

-Antonio Couceiro Méndez.

e) Designados polas corporacións locais dos concellos dos campus.

-Carmen Marón Beltrán, polo Concello da Coruña.

-José Manuel Couce Fraguela, polo Concello de Ferrol.

Disposición derradeira

Esta orde entrará en vigor o mesmo día da súa publicación no *Diario Oficial de Galicia*.

Santiago de Compostela, 27 de maio de 2004.

Celso Currás Fernández

Conselleiro de Educación e Ordenación Universitaria

III. OUTRAS DISPOSICIÓNS

CONSELLERÍA DE EDUCACIÓN E ORDENACIÓN UNIVERSITARIA

Orde do 27 de maio de 2004 pola que se resolve a convocatoria para a incorporación á rede de centros integrados de formación profesional da Comunidade Autónoma de Galicia.

A Lei 5/2002, do 19 de xuño, das cualificacións e da formación profesional (BOE do 20 de xuño) no seu artigo 11 prevé a creación de centros integrados de formación profesional e no seu artigo 11.4º establece que as administracións, no ámbito das súas competencias, poderán crear e autorizar os devanditos centros coas condicións e requisitos que se establezan.

Mediante a Orde do 20 de xaneiro de 2004, que desenvolve o Decreto 325/2003, do 18 de xullo, polo que se autorizan e regulan os centros integrados de formación profesional na Comunidade Autónoma de Galicia, convócanse os centros docentes públicos que imparten formación profesional, dependentes das consellerías de Educación e Ordenación Universitaria e da Consellería de Asuntos Sociais, Emprego e Relacións Laborais, para a súa incorporación á rede de centros integrados.

Cumpridos os trámites que se especifican nos artigos 3º, 7º e 8º da dita orde, esta consellería

RESOLVE:

Artigo 1º

Autorizar a incorporación á rede de centros integrados da Comunidade Autónoma de Galicia dos centros que se relacionan no anexo I.

Artigo 2º

Non autorizar a incorporación á rede de centros integrados da Comunidade Autónoma de Galicia dos centros que se relacionan no anexo II, por non cumprir cos requisitos recollidos no artigo 3º da citada Orde do 20 de xaneiro de 2004.

Artigo 3º

Non autorizar a incorporación á rede de centros integrados da Comunidade Autónoma de Galicia dos centros que se relacionan no anexo III, por presentar a documentación fóra de prazo.

Artigo 4º

Contra esta orde os interesados poderán interpoñer recurso potestativo de reposición perante o conselleiro de Educación e Ordenación Universitaria no prazo dun mes contado a partir do día seguinte ao da súa publicación no *Diario Oficial de Galicia*, de acordo co disposto nos artigos 116 e 117 da Lei 30/1992, de réxime xurídico das administracións públicas e procedemento administrativo común, modificada pola Lei 4/1999, ou ben directamente recurso contencioso-administrativo no prazo de dous meses perante o Tribunal Superior de Xustiza de Galicia.

Disposicións derradeiras

Primeira.-Autorízase a Dirección Xeral de Formación Profesional e Ensinanzas Especiais para ditar cantas normas sexan necesarias para o desenvolvemento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 1 de xuño de 2004.

Celso Currás Fernández

Conselleiro de Educación e Ordenación Universitaria

ANEXO I

Nº	CENTRO	CONCELLO	PROVINCIA
1	IES CARLOS OROZA	PONTEVEDRA	PONTEVEDRA
2	IES A FARIXA	OURENSE	OURENSE
3	IES DE FENE	FENE	A CORUÑA
4	IES POLITÉCNICO VIGO	VIGO	PONTEVEDRA

ANEXO II

Nº	CENTRO	CONCELLO	PROVINCIA
1	IES MARÍA SARMIENTO	VIVEIRO	LUGO
2	IES GREGORIO FERNÁNDEZ	SARRIA	LUGO
3	IES FERNANDO BLANCO	CEE	A CORUÑA
4	IES LAMAS DE ABADE	SANTIAGO DE C.	A CORUÑA
5	IES PERDOURO	BURELA	LUGO
6	IES DE ARZÚA	ARZÚA	A CORUÑA
7	IES PUNTA CANDIEIRA	CEDEIRA	A CORUÑA
8	IES LOIS PEÑA NOVO	VILALBA	LUGO
9	IES A CARBALLEIRA	OURENSE	OURENSE

ANEXO III

Nº	CENTRO	CONCELLO	PROVINCIA
1	IES ÁNCEL CASAL	A CORUÑA	A CORUÑA
2	IES GARCÍA BARBÓN	VERÍN	OURENSE
3	IES A PIRINGALLA	LUGO	LUGO
4	IES BECERREÁ	BECCERREÁ	LUGO
5	IES POLITÉCNICO LUGO	LUGO	LUGO
6	IES SOMESO	A CORUÑA	A CORUÑA
7	IES AS MERCEDES	LUGO	LUGO

Orde do 8 de xuño de 2004 pola que se convoca o programa de gratuidade de libros de texto en centros sostidos con fondos públicos para os niveis obrigatorios e gratuítos para o curso escolar 2004-2005.

A Lei orgánica 8/1985, do 3 de xullo, reguladora do dereito á educación (BOE do 4 de xullo) establece, no seu artigo 1, que todos os españois teñen dereito a unha educación básica que lles permita o desenvolvemento da súa propia personalidade e a realización dunha actividade útil á sociedade.

A Lei orgánica 10/2002, do 23 de decembro, de calidade da educación (BOE do 24 de decembro) dispón, no seu artigo 9, que o ensino básico comprende a educación primaria e a educación secundaria obrigatoria, establecendo, así mesmo, o seu carácter obrigatorio e gratuíto.

O Estatuto de autonomía de Galicia, no seu artigo 31, dispón que é competencia plena da Comunidade Autónoma de Galicia o regulamento e administración do ensino en toda a súa extensión, niveis e graos, modalidades e especialidades.

Mediante o Real decreto 1763/1982, do 24 de xullo (BOE do 18 de agosto), procedeuse ao traspaso das funcións e servizos da Administración do Estado á Comunidade Autónoma de Galicia en materia de educación.

A Consellería de Educación e Ordenación Universitaria adquiriu o compromiso ante a sociedade de iniciar, no ano 2003, un proceso que camiñe cara á gratuidade dos libros de texto no ensino obrigatorio e nos centros sostidos con fondos públicos, cos seguintes obxectivos:

a) Enmarcarse dentro do principio de gratuidade nas etapas obrigatorias, como un servizo fundamental á sociedade por parte dos poderes públicos.

b) Favorecer a igualdade de oportunidades, de xeito que o alumnado da nosa comunidade autónoma poida ter acceso á principal ferramenta pedagóxica que se utiliza na aprendizaxe, que son os libros de texto.

c) Inculcar no alumnado valores de solidariedade, de conservación do material para a súa reutilización por outros e de coidado do ben colectivo como propio.

Con esta finalidade publicouse a Orde do 6 de xuño de 2003 (DOG do 12 de xuño), pola que se convocaba o programa de gratuidade de libros de texto, iniciándose a súa aplicación no curso escolar 2003/2004, de xeito experimental.

Á vista da experiencia acumulada durante o primeiro curso de implantación, resulta recomendable introducir algunhas modificacións que permitan optimizar a aplicación e o desenvolvemento do programa, mantendo o seu carácter experimental.

De acordo co indicado con anterioridade, esta consellería dispón a implantación progresiva do programa de gratuidade de libros de texto, a través do réxime de préstamo, de acordo coas dispoñibilidades orzamentarias, e con criterios educativos e de organización que permitan un axeitado funcionamento deste servizo educativo.

En exercicio das competencias atribuídas no Decreto 454/2003, do 26 de decembro, polo que se establece a estrutura orgánica da Consellería de Educación e Ordenación Universitaria (DOG do 19 de xaneiro de 2004), esta consellería

DISPÓN:

Primeiro.-Obxecto e ámbito de aplicación.

1. A presente orde ten por finalidade regular o programa de gratuidade de libros de texto que se desenvolverá a partir do curso escolar 2004/2005.

2. O programa de gratuidade será de aplicación a todos os centros sostidos con fondos públicos da Comunidade Autónoma de Galicia, para que faciliten ao alumnado de ensino obrigatorio, mediante o sistema de préstamo, os libros de texto das distintas áreas establecidas para os citados niveis educativos.

3. Non se inclúen no programa de gratuidade aqueles libros que, por diversas circunstancias, non poidan ser reutilizados polos alumnos durante catro cursos escolares.

Segundo.-Beneficiarios.

Serán beneficiarios do programa todos os alumnos que cursen o ensino obrigatorio en centros sostidos con fondos públicos da Comunidade Autónoma de Galicia, segundo o previsto no punto terceiro desta orde.

Terceiro.-Implantación do programa no curso escolar 2004-2005.

No curso escolar 2004/2005 implantarase o programa de gratuidade de libros de texto, de xeito experimental, en 2º curso de educación secundaria obrigatoria e procederase á reposición dos libros de texto de 6º curso de educación primaria naqueles centros acollidos ao programa na convocatoria do curso 2003-2004.

Cuarto.-Adhesión e renuncia ao programa.

1. Todos os centros sostidos con fondos públicos da Comunidade Autónoma de Galicia que impartan 2º curso de educación secundaria obrigatoria ou vaian impartilo no curso escolar 2004/2005 enténdense adheridos a este programa agás que manifesten expresamente a súa renuncia.

2. Aqueles centros que non se acollan ao programa dispoñen de prazo ata o 30 de xuño para comunicar a súa renuncia, segundo o modelo establecido como anexo I a esta orde.

Quinto.-Permanencia dos libros de texto.

A elección dos libros de texto para utilizar no programa de gratuidade manterase durante un período mínimo de catro anos e a súa aprobación efectuarase de acordo coa normativa vixente.

Sexto.-Constitución da comisión de seguimento.

Cada centro educativo incorporará ao seu Regulamento de réxime interior os criterios básicos para o funcionamento deste programa. No seo do consello escolar de cada centro poderase, así mesmo, constituír